

Protocol radunanza generela 2015

Venderdi, 10 avrigl 2015, restorant Suotarivas, Zuoz



1. Salüd

Marco Crameri salüda a tuot ils commembers ed evra la radunanza generela 2015 a las uras 19³⁰.

La glista da tractandas vegn accepteda.

Preschaints: 9 commembers

S-chüsos: Florio Tognoni, Peider Gotsch, Gian Peider Lony, Gian Carlo Rüegg ed Angelina Plebani

2. Tscherna da scrutinadurs

Proponida e tschernida scu scrutinadura vegn Marina Hosang.

3. Protocol da la radunanza generela 2014

Il protocol da la radunanza generela da l'an passo vegn accepto unanimamaing.

4. Rapport annuel dal president

"Nossa stagiun ho cumanzo cun la radunanza generela, ün pêr dis zieva vains piglio in funcziun l'implaunt da tir. (Cunagia il restaurant e tuot il rest, pür zieva vains pudia cumanzer a trer).

Nus vains piglio part a nos tirs üsitos scu al tir individuel e la maestranza da gruppas a San Murezzan.

Al Waldhaus Cup ho pudieu Daniel Steger festegier sia prüma piazza raggiunta cun buns resultats aint illas differentas qualificaziuns.

Il tir champester ho gieu lö a Samedan, nos meglder tregant deira Curdin Plebani chi ho raggiunt la 5. evla piazza.

Impü sun gnies mnos tres nos tirs interns scu la pardunaunza e'l tir d'amizcha cun S-chanf. La Pardunaunza ho guadagno Daniel Steger tal püt tradiziunel e Mario Feuerstein tal püt premi. Tals giuvenils ho guadagno Leandro Jaeger.

Tar l'inscunter cun Puntraschigna nu's stu pü manzuner cha Puntraschina ho già darcho guadagno.

Natürelmaing vains piglio part ad ün tir chantunel e que gio a Schaffusa, eir tar quist tir vains pudieu festeger buns resultats, per exaimpel la 1. piazza aint il püt "Ehrengabe" da Remo Casty. Aint il glistess püt ma categoria ordonanza ho Marco Crameri raggiunt la 13. piazza scu eir la 23. evla aint il "Militär".

Cun la societad vains raggiund aint il tir da concurenza da secziuns la 71. evla piazza da 151.

Al finel da las maestraunzas dal circol ho Mario Feuerstein raggiunt la 3. piazza aint in la categoria sport in 2 posiziuns, Daniel Steger es gnia 6. evel in buttatscha, Gian Carlo Rüegg e Marco Crameri aun aint la categoria ordinaunza in buttatscha respectiv la 1. e 2. Piazza, eir aint la competiziun in 2 posiziuns aun Carlo e Marco raggiunt la 6. e 2. Piazza.

Al Matchcup final ho raggiunt Gian Carlo Rüegg la 5. evla piazza, eir al finel Grischunais hol piglio part e raggiunt la 9. evla piazza.

Glivro nossa stagiun da tir vains scu adüna cun üna buna tschaina e scumpartiziuns da premis. Quista vouta deirans tar Bruno e Bugi aint la Pizzeria Lupo a Zuoz, inua cha vains pudieu giodair in cumpagnia. Il programm annuel 2014 ho guadagno Daniel Steger aunz Gian Reto Sonder e Gian Carlo Rüegg.

Eau vuless ingrazcher a mieus camerads da la suprastanza ed eir a Peider Gotsch per lur agüd.

Grazcha per tuot!

Marco Crameri"

Il rapport annuel da nos president vegn accepto cun applaus.

5. Rapport dal chaschier e dals revisurs da quint

Mario Feuerstein declera il rendaquint 2014.

Ils revisurs Jolanda Jäger e Gian Reto Sonder haun repasso il rendaquint e propuonan a la radunanza generela d'accepter il rendaquint 2014 e da derdis-charg als organs respunsabels.

Il president giavüscha, cha la pusiziun "Depot" da frs. 50.00 vegna numneda nouv "Depot clev s-chantschia seletta".

Sün proposta dals revisurs acceptan ils preschaints il rendaquint 2014 e daun dis-charg als organs respunsabels.

6. Cuntribuziun annuela 2016 / predschs muniziun 2016

Seguaintas contribuziuns e predschs da muniziun vegnan proponieus ed approvos unanimamaing:

contribuziun annuela (ca)	frs.	25.00
ca giuvens tregants, giuvenils e seniorveterans	frs.	0.00
licenzcha	frs.	25.00
muniziun	frs.	0.50
muniziun giuvens tregants	frs.	0.40

7. Program annuel 2016

Eir quist an tira la societad da tregants S-chanf a Zuoz. Adüna marculdi saira a partir da las 18³⁰. Tregant(a)s da Zuoz paun eir ir a trer quella saira.

La mappa cotschna culs fögls da controlla vegn preparada per la prüma saira da tir.

Marco giavüscha da tegner aint ils termins e da der giò ils fögls implieus our complettamaing (almain nom e suottascripziun) a temp ütil.

Ils fögls da controlla na ütilisos (cha nu's voul trer) as po der giò già cumanzaint da la stagiun.

Preparer l'implaunt

In sanda, 4 avrigl s'ho aviert l'implaunt.

Tiro d'apertura a Brusio e Poschiavo

In venderdi e sanda, ils 4 e 5 avrigl ho gieu lö il Tiro d'apertura a Brusio.

Sanda, ils 18 avrigl ho lö il tiro d'apertura a Puschlev. Scha qualchün ho interess dad ir a Puschlev, dessal s'annunzcher tar Marco.

Matchcup e maestranza decentraliseda

Interessents dessan s'annunzcher tar Marco.

Tir champester

Ho lö quist an a San Murezzan.

Tir obligatoric

Il glistess ram scu l'an passo. Guarder il program annuel.

Match Puntraschina - Engiadina

Ho lö in mardi, 18 avuost 2015 sü Puntraschina.

Match d'amicizcha Engiadina - S-chanf

Ho lö in venderdi, 14 avuost 2015.

Feldstich

Cuosta scu fin uossa frs. 19.00, pò pero gnir trat duos voutas sainza cuosts impü (Nachdoppel inclus i'ls frs. 19.00). Il resultat pü ot quinta.

KK Stich

Cuosta nouv frs. 17.00 (fin uossa frs. 15.00).

Secziun

Per gnir rangos druvains 14 resultats da tregants licenzchos !

Match Circuitel (Bezirksmatch)

Que do la pussibilted da trer tuot in vainter (Liegendmatch) o in vainter ed in schnuoglias (2-Stellungs-Match).

Ils tregants chi l'haun trat eir l'an passo til chattan aint in la mappa cotschna da tir, scha oters sun interessos, as dessan annunzcher tar Mario.

Cuors da giuvsens tregants

Il cuors ho lö eir quist an a Zuoz e vegn mno tres dad Ernst Parli.

Tir dal Chalavaina

Nouv vegn be pü trat a Müstair e Tavo e be mincha duos ans. Samedan s'ho retrat.

Tir da fusiun Arbon-Roggwil

Ho lö in settember.

Viamala- e Nulez-Schiessen

Vess qualchün interess ?

Tir federel in Valais

L'hotel es reservo, ün program accompagnant es eir organiso.

Annunzcho s'haun: Gian Reto Sonder, Peter Plebani, Peider Gotsch, Remo Casty, Mario Feuerstein, Marco Crameri, Daniel Steger, Gian Carlo Rüegg, Gian Peider Lony.

8. Pardunanza

La Pardunaunza ho lö ils 11 lügl 2015.

La societad da tregants da S-chanf fo la dumanda, scha füss pusibel d'invider aint ils tregants da Bassersdorf per la Pardunaunza. Que dess forsa ün pêr francs dapü illa cassa.

Gian Reto Sonder es da l'avis, cha la Pardunaunza es auncha l'ultim tir tradiziunel cha nus vains e que dess eir rester uschè. Sur da la dumanda da S-chanf vegn vuscho giò:

5 sun cunter d'invider otras societeds

1 per

3 abstenziuns

Percunter vegn proponieu, d'invider ils tregants da Bassersdorf pel tir d'amicizcha cun S-chanf. Eventuelmaing es da spuster la data dal tir. Marco guarda cun Linard o Ernst Parli scha quista proposta gniss eir in dumanda.

9. Tschernas

Marco nun ho survgnieu üngünas demischiuns. Las persunas in uffizi vegnan reelettas unanimamaing.

10. Onurificaziuns

Üngünas.

11. Varia

Mneder dal restorant

Bea Brasi, Nini Crameri ed Anna Steger as mettan darcho a dispusiziun per mner l'ustaria giò l'implaunt. Grazcha fichun !!!

Implaunt da tir a S-chanf

Mario declera cha l'implaunt da tir a S-chanf vegn conzipieu be per las societeds da S-chanf, Engiadina e Zernez. Interessos paun dumander il protocol da la prüma tschanteda da la cumischun per l'implaunt da tir.

Marco ingrazcha a tuots per la cumparsa e serra la radunanza a las uras 21.00.

Zuoz, 13 avrigl 2015

L'actuara: